



REPUBLIKA E KOSOVËS/REPUBLIKA KOSOVA

GJYKATA THEMELORE PRIZREN - DEGA E GJYKATËS SUHAREKË

Numri i lëndës: 2022:094934

Datë: 15.04.2024

Numri i dokumentit: 05574509

C.nr.485/22

**GJYKATA THEMELORE NË PRIZREN – DEGA NË SUHAREKË**, nëpërmjet gjyqtarit Robert Tunaj, në cilësinë e gjyqtarit të vetëm gjykues, me Sek. Juridike F. Kabashi, në çështjen juridike të paditësve: A.K, A.H, A.K, A.M, dhe B.K, që të gjithë të punësuar në SH.M.T “Skender Luarasi” në S, të cilet me autorizim i përfaqësojnë av. N. H dhe av. M. H nga S, kundër të paditurës K e S–D e A, të cilën e përfaqëson, përfaqësuesi ligjor A. B, me objekt kontesti shpërblimin e inflacionit në pagë, gjykata me datë 15.04.2024, mori dhe shpalli këtë:

## A K T G J Y K I M

### Pa shqyrtim kryesor të çështjes

- I. APROVOHET** pjesërisht si e bazuar kërkesëpadia e paditësve: A. K, A. H, A. K, A. M dhe B. K, që të gjithë të punësuar në SH.M.T “Skender Luarasi” në S.
- II. DETYROHET** e paditura K e S – D e A, që në emër të diferencës së papaguar në pagë, referuar normës së inflacionit prej periudhës 13.05.2019 deri me datë 31.12.2021, të paguajë shumat dhe atë:

### **Për paditësin A. K:**

Për periudhën prej datës 13.05.2019, deri me datë 31.12.2019, për shkallën e inflacionit 2.7 %, shumën prej 99.14 euro;

Për vitin 2020, për shkallën e inflacionit 0.2 %, shumën prej 11.01 euro;

Për vitin 2021, për shkallën e inflacionit 3.4 %, shumën prej 187.27 euro,  
**në shumën totale prej 297.42 euro;**

### **Për paditësen A. H:**

Për periudhën prej datës 13.05.2019, deri me datë 31.12.2019, për shkallën e inflacionit 2.7 %, shumën prej 95.47 euro;

Për vitin 2020, për shkallën e inflacionit 0.2 %, shumën prej 10.60 euro;

Për vitin 2021, për shkallën e inflacionit 3.4 %, shumën prej 180.33 euro,  
**në shumën totale prej 286.4 euro;**

### **Për paditësin A. K:**

Për periudhën prej datës 13.05.2019, deri me datë 31.12.2019, për shkallën e inflacionit 2.7 %, shumën prej 95.47 euro;

Për vitin 2020, për shkallën e inflacionit 0.2 %, shumën prej 10.60 euro;

Për vitin 2021, për shkallën e inflacionit 3.4 %, shumën prej 180.33 euro,  
**në shumën totale prej 286.4 euro;**

### **Për paditësin A. M:**

Për periudhën prej datës 13.05.2019, deri me datë 31.12.2019, për shkallën e inflacionit 2.7 %, shumën prej 99.14 euro;

Për vitin 2020, për shkallën e inflacionit 0.2 %, shumën prej 11.01 euro;

Për vitin 2021, për shkallën e inflacionit 3.4 %, shumën prej 187.27 euro,  
**në shumën totale prej 297.42 euro;**

### **Për paditësin B. K:**

Për periudhën prej datës 13.05.2019, deri me datë 31.12.2019, për shkallën e inflacionit 2.7 %, shumën prej 95.47 euro;

Për vitin 2020, për shkallën e inflacionit 0.2 %, shumën prej 10.60 euro;

Për vitin 2021, për shkallën e inflacionit 3.4 %, shumën prej 180.33 euro,  
**në shumën totale prej 286.4 euro;**

Të gjitha këto në shumë totale **1.454,04€** me kamatë ligjore prej 8%, duke e llogaritur prej ditës së paraqitjes së padisë (13.05.2022), e deri në

pagesën definitive, në afat prej 7 ditësh, pas pranimit të këtij aktgjykimi, e nën kërcënim të përmbarimit të dhunshëm.

**III. REFUZOHET** pjesa tjetër e kërkesëpadisë sa i përket periudhës kohore për vitin 2017 ,vitin 2018 deri me 12.05.2019 për shkak të parashkrimit.

**IV. OBLIGOHET** e paditura Komuna e Suharekës, që në emër të shpenzimeve procedurale të paguajë shumën prej 332 euro, në afat prej 7 ditësh, pas pranimit të këtij aktgjykimi, e nën kërcënim të përmbarimit të dhunshëm.

### Arsyetim

Paditësit, përmes të autorizuarit të tyre, pranë kësaj gjykate me datë 13.05.2022, kanë parashtruar padi kundër K së S, D e A, me të cilën kanë kërkuar kompensimin në pagë nga shkalla e inflacionit.

Përfaqësuesi ligjor i të paditurës, K e S – D e A, me datë 01.11.2023 pranë kësaj gjykate ka parashtruar përgjigje në padi, në të cilën ka theksuar se nuk e kundërshton kërkesëpadinë e paditësve lidhur me kompensimin e pagës, konform shkallës së inflacionit, marrë për bazë edhe mendimin juridik të Gjykatës Supreme, por ka kërkuar që të refuzojë pjesën tjetër të kërkesëpadisë sa i përket parashkrimit.

Gjykata pas shqyrtimit të padisë dhe provave që gjenden në shkresat e lëndës, si dhe përgjigjes në padi të paraqitura nga ana e të paditurës, në kuptim të nenit 8 lidhur me nenin 152 të LPK-së, gjeti se kërkesëpadija e paditësve është pjesërisht **e themeltë**, andaj pa shqyrtim të çështjes, i aprovoi pjesërisht kërkesëpadinë si në dispozitiv të këtij aktgjykimi.

I autorizuari i paditësve, me rastin e ngritjes së padisë, për kompensimin e inflacionit në pagë, i ka bashkëngjitur padisë kontratat e punës dhe atë kontratat: për paditësin A. K, kontrata me numër protokolli 731/18, për paditësen A. H, kontrata me numër protokolli 390/17, për paditësin A, K, kontrata me numër protokolli 391/17, për

paditësin A. M, kontrata me numër protokolli 424/19 dhe për paditësin B. K, kontrata me numër protokolli 613/15.

Gjykata ka vendosur ta aprovojë kërkesëpadinë e paditësve, që të ia kompensoj diferencën e pa paguar në pagë, referuar normës së inflacionit për vitin 2019 - 2.7 %, për vitin 2020 - 0.2 % dhe për vitin 2021 - 3.4 %, duke u bazuar në dispozitat e nenit 35, pika 10 të Kontratës Kolektive të Arsimit në Kosovë e datës 18.04.2017 si dhe Kontratës Kolektive të Arsimit në Kosovë e datës 22.01.2021, që parashihet se *“Për çdo vit të përcillet shkalla e inflacionit në bazë të Entit të Statistikave të Republikës së Kosovës”*.

Sa i përket shkallës së inflacionit nëpër vite, gjykata vendosi si më lartë duke u bazuar konform tabelës së inflacionit të lëshuar nga parashtresa e Agjencionit të Statistikave të Kosovës, me numër 01-02-1436, të datës 27.10.2023.

Ndërkaq, gjykata vendosi lidhur me shumën duke llogaritur për periudhën kohore nën marrëdhënie të punës për secilin paditës dhe secilin vit, marrë për bazë shkallën e inflacionit, ashtu që:

### **Për paditësin A. K:**

Për periudhën prej datës 13.05.2019, deri me datë 31.12.2019, duke llogaritur 2.7% shkallën e inflacionit, shumëzuar me pagën neto 459 euro, shuma e përgjithshme 99.14€;

Për vitin 2020, shkalla e inflacionit 0.2% shumëzuar me pagën neto 459 euro, shuma e përgjithshme 11.01€;

Për vitin 2021, shkalla e inflacionit 3.4 %, shumëzuar me pagën neto 459 euro, shumën prej 187.27€, **në shumën totale prej 297.42 euro;**

### **Për paditësen A. H:**

Për periudhën prej datës 13.05.2019, deri me datë 31.12.2019, duke llogaritur 2.7% shkallën e inflacionit, shumëzuar me pagën neto 442 euro, shuma e përgjithshme 95.47€;

Për vitin 2020, shkalla e inflacionit 0.2% shumëzuar me pagën neto 442 euro, shuma e përgjithshme 10.60€;

Për vitin 2021, shkalla e inflacionit 3.4 %, shumëzuar me pagën neto 442 euro, shumën prej 180.33€, **në shumën totale prej 286.4 euro;**

#### **Për paditësin A. K:**

Për periudhën prej datës 13.05.2019, deri me datë 31.12.2019, duke llogaritur 2.7% shkallën e inflacionit, shumëzuar me pagën neto 442 euro, shuma e përgjithshme 95.47€;

Për vitin 2020, shkalla e inflacionit 0.2% shumëzuar me pagën neto 442 euro, shuma e përgjithshme 10.60€;

Për vitin 2021, shkalla e inflacionit 3.4 %, shumëzuar me pagën neto 442 euro, shumën prej 180.33€, **në shumën totale prej 286.4 euro;**

#### **Për paditësin A. M:**

Për periudhën prej datës 13.05.2019, deri me datë 31.12.2019, duke llogaritur 2.7% shkallën e inflacionit, shumëzuar me pagën neto 459 euro, shuma e përgjithshme 99.14€;

Për vitin 2020, shkalla e inflacionit 0.2% shumëzuar me pagën neto 459 euro, shuma e përgjithshme 11.01€;

Për vitin 2021, shkalla e inflacionit 3.4 %, shumëzuar me pagën neto 459 euro, shumën prej 187.27€, **në shumën totale prej 297.42 euro;**

#### **Për paditësin B. K:**

Për periudhën prej datës 13.05.2019, deri me datë 31.12.2019, duke llogaritur 2.7% shkallën e inflacionit, shumëzuar me pagën neto 442 euro, shuma e përgjithshme 95.47€;

Për vitin 2020, shkalla e inflacionit 0.2% shumëzuar me pagën neto 442 euro, shuma e përgjithshme 10.60€;

Për vitin 2021, shkalla e inflacionit 3.4 %, shumëzuar me pagën neto 442 euro, shumën prej 180.33€, **në shumën totale prej 286.4 euro;**

Sa i përket çështjes së parashkrimit, gjykata vlerëson se në rastin konkret kemi të bëjmë me parashkrim të kërkesës për faktin se padia e

paditësve është dorëzuar më 13.05.2022, ndërsa kërkesëpadia e paditësve përfshin periudhën kohore për vitet 2017-2021. Sipas vlerësimit të kësaj gjykate baza juridike e parashkrimit të kërkesave në të holla në kontestet e marrëdhënies së punës është në nenin 87 të Ligjit të Punës, sipas të cilit “Të gjitha kërkesat nga marrëdhënia e punës në para, parashkruhen brenda afatit prej tri (3) vitesh, nga dita e paraqitjes së kërkesës”. Prandaj edhe kërkesa përkompensimin e pagës konform shkallës së inflacionit përgjatë viteve 2017 dhe 2018 është parashkruar.

Gjykata është bazuar në mendimin juridik të miratuar në Seancën e Përgjithshme të Gjykatës Supreme, të datës 09 tetor 2023 në cilin parashihet se *“Punëtorët në bazë të Kontratës Kolektive të Arsimit në Kosovë të datës 18.04.2017 dhe Kontratës Kolektive të Arsimit në Kosovë të datës 22.01.2021, kanë të drejtë që në pagën e tyre të futet përqindja e inflacionit, marrë për bazë shkallën e inflacionit çdo vit Sipas Entit të Statistikave të Republikës së Kosovës”*, ashtu siç është përcaktuar me nenin 35, pika 10 të këtyre marrëveshjeve”.

Vendimin mbi kamatën, gjykata e mori në kuptim të nenit 382 të LMD-së.

Vendimin mbi shpenzimet procedurale, gjykata e mbështeti në nenin 452.1 të LPK-së duke ia njohur paditësve shpenzimet e procedurës si në vijim: për përpilimin e padisë për 5 paditës shumë prej 312 euro dhe shumë prej 20 euro në emër të taksës gjyqësore apo në shumë të përgjithshme prej 332 euro.

Duke u bazuar në të dhënat e lartcekura, gjykata ka vendosur si në dispozitiv të këtij aktgjykimi bazuar në nenin 152 të LPK-së.

**GJYKATA THEMELORE PRIZREN - DEGA E GJYKATËS SUHAREKË**  
**DEPARTAMENTI I PËRGJITHSHËM – DIVIZIONI CIVIL**  
**C.nr.485/2022 data 15.04.2024**

**Gjyqtari**  
**Robert Tunaj**

---

**KËSHILLË JURIDIKE:** Kundër këtij Aktgjykimi pala e pakënaqur ka të drejtë ankese në afat prej 7 (shtatë) ditësh nga dita e pranimit, Gjykatës së Apelit, nëpërmjet të kësaj Gjykate.